

SEMINAR ZA NASTAVNIKE RAZREDNE NASTAVE

Ishodi učenja za pismenost: Pisanje/Usmeno izražavanje i slušanje

Pedagoški zavod je u periodu od 12.01. do 15.01.2015. godine u Zenici realizirao četverodnevni seminar za 45 nominiranih nastavnika razredne nastave iz osnovnih škola sa područja Zeničko-dobojskog kantona. Cilj seminara je bio priprema nastavnika za ulogu trenera/mentora za 2015. godinu u domenu primjene definiranih ishoda učenja u oblasti *Pisanje* te *Usmeno izražavanje i slušanje*. Fokus seminara je bio na sljedećim segmentima:

- razumijevanje procesa pisanja u pet koraka kao novog pristupa u oblasti kulture pismenog izražavanja;
- dizajniranje strategija za pismenost i njihovog inkorporiranja u dosadašnju nastavnu praksu, analize;
- dizajniranje priprema vezanih za oblasti *Pisanje* i *Usmeno izražavanje i slušanje* u nastavi b/h/s jezika i književnosti;
- osposobljavanje nominiranih nastavnika za preuzimanje uloga trenera/mentora u svojim školama kroz aktivnosti realizacije obuka, radionica, sastanaka profesionalnih zajednica učenja i procesa mentoriranja u 2015. godini.

Evaluacija seminara je pokazala da su učesnici u potpunosti zadovoljni kada je u pitanju poznavanje obrađenih sadržaja kroz predviđene sesije i radionice, sposobnost primjene naučenog u praksi, kao i mogućnost kvalitetne i kontinuirane podrške u projektnim aktivnostima u 2015. godini.